

vensi universitate, S. theol. professor primarius, A Gaspard Jongelinus, Eusserthalensis abbas, in torno primo Annal. Cisterc. ad annum Domini 1140, Notitiae suis; ac iterum in *Purpura sancti Bernardi*, tract. De cardinalibus, § 30, et alii plures.

HISTORICA RELATIO DE VITA ET MORTE ALANI MAGNI DE INSULIS DOCTORIS UNIVERSALIS.

§ I.

De patria, et loco nativitatis Alani.

De his nonnulla est inter auctiores controversia. Thomas (8) Demsterus (honori gentis suæ ampliando nimium studiosus) sine ulla prorsus ratione, Alanum origine scripsit suis Scotum, in Mona Insula nati. Hieremias Drexelius, loco supra citato, vocat illum Siculum, forte quia legerat illum criundum de Insula; per insulam autonomastice Siciliam intelligendam creditit.

Gaspar Jongelinus, in *Purpura sua*, supra, Gallum putat. Angelus Marquez, supra etiam citatus, scribit illum a quibusdam haberi Hispanum, ab aliis, Gallum. Verum communis cæterorum omnium auctiorum sententia, qui de Alanu mentionem faciunt, Belgam censem, natum in civitate Insulensi, Gallo-Flandriæ metropoli: quo etiam reduci possunt hi, qui illum Germanum scripserunt, eo quod Flandri, imo et Belgæ universi passim vocentur Germani inferiores, et Belgium, Germania inferior. Et sane de hoc omnis cessaret controversia, si certo constaret Alanum hunc verum esse auctorem *Commentariorum in prophetiam Merlini Angli*, quæ anno 1608, sub ejus nomine impressa fuerunt Francofurti, typis Joannis Spiessii, in-8°, hoc titulo: *Prophetia*, etc. « Merlini Ambrosii — una cum septem libris explanationum in eamdem prophetiam, excellentissimi sui temporis oratoris, polyhistoris et theologi, Alanu de Insulis, Germani, Doctoris Universalis, et academiæ Parisiensis ante annos 300, rectoris amplissimi. » In his namque *Commentariis*, lib. v, folio 198, expresse testatur auctor se suis origine Belgam, natum Insulam in Flandria. Verba ejus sunt: « Vidi et ego in Flandria, cum puerulus adhuc essem apud Insulam (unde natus fui) foeminam quamdam maleficam, quæ in maleficio suo comprehensa, etc. » At, dum nuper *Commentaria* hæc evolverem, plura offendit, quæ eorum inscriptionem non parum mibi suspectam reddiderunt, aliumque ab Alanu nostro auctorem suis

B suaserunt, quorum unum est, quod immediate (paucissimis interjectis) post verba jam relata, subjungantur sequentia: « Tempus illud fuit, quo comes Theodoricus ab Insulanis hominibus, Gandensibus quoque atque Brugensibus, advocatus erat a terra sua in Flandriam, tanquam legitimus Flandriæ hæres, etc. » Hæc ibi.

Cum autem passim Annales Belgici referant Theodoricum de Alsatia a Flandris suis electum in comitem, circa annum Domini 1128, aut 1130, si Alanus tunc fuerit puerulus, non potuit floruisse circa annum 1300, ut cum Trithemio plures scribunt auctores: imo, nec supervixisse usque ad annum Domini 1294, quo illum obiisse perhibent alii exactiores historici, probatque antiquum epitaphium quod Cisterci ad tumulum ejus etiamnum legitur, Jongelino aliisque innumeris oculatis testibus. Nisi forte dicamus, verba hæc ultima, ex *Commentariis* prolata: « Tempus illud fuit, etc., » olim a quodam historiarum ignaro, claritatis (ut putabat) causa, in margine adjecta fuisse, et postmodum a typographo textui inserta. Ut ut sit, illis libentius subscribo, qui Alanum censem suis Belgam origine Insulensem, auctoritate præsertim ductus Henrici Gandavensis, SS. theologie doctoris celebrissimi, natione Flandri, Alanu coœvi, et in eadem Parisiensi universitate collegæ. Quam opinionem etiam confirmant pleraque exemplaria mss. quæ ipsemet vidi, Alanu de Insulis, vel Insulensem indigitantia, quod etiam cognomen præfert *Expositio in Cantica cantorum*, anno 1540, impressa Parisiis, ex *bibliotheca S. Victoris*.

D Nec obstat, quod etiam Alanus Antissiodorensis episcopus, et Clarævallensis monachus, asseratur suis Belgæ, et ex Insulensi quoque civitate oriundus, quia facilime contigisse potuit, ut spatio centum (et amplius) annorum, duo ejusdem nominis ex Insulensi civitate ordinem Cisterciensem fuerint ingressi, præsertim in diversis monasteriis.

Quinimo, intra paucos adhuc annos, ex eadem

Insulensi civitate, in solo nostro Dunensi coenobio, plures cognomines recepti fuerunt, qui adhuc in vivis sunt : id quod de aliis quoque civitatibus satis frequenter fieri vidimus. Proinde, communem et vulgarem secutus opinionem, Alanum Insulensem, vel de Insulis, cognominabo, prout antiquitus, etiam Alanus tempore (in religionibus præcipue) a loco nativitatis communiter omnes cognomenta sua sortiebantur. Cum vero illum etiam Magnum appello, auctoritatem quoque sequor plurimorum gravissimorum auctorum, quorum aliquot in superioribus encomiis curiosus lector reperiet.

§ II.

Qua occasione M. Alanus, relicta Parisiensi universitate, habitum conversorum in Cistercio assum- B pserit.

Omnis propemodum qui de Alano hactenus scripsierunt, constanter affirmant illum (priusquam religioni nomen daret) celeberrima doctrinæ et nominis fama conspicuum, scholæ ecclesiasticæ seu theologicæ, universitatis Parisiensis præfuisse, ut supra, productis plurimorum virorum doctissimorum testimoniis vidimus. Attamen, quoad occasionem, qua, relicto sæculo in monasterium se abdiderit, licet in ea recensenda plerique etiam satis convenient, nonnulli tamen protestantur, se eamdem duntaxat narrative ex aliis referre, nolle autem quidpiam affirmare aut etiam negare. Nos eam hic recensebimus ipsis verbis Joannis Puzelini, in *Gallo-Flandria* sua, tomo II, lib. vii, ad annum Domini 1294 : « Ut in Cisterciensem se domum (Alanus) abderet, hanc rationem produci video. Statuerat Alanus unica concione totam de sanctissimæ Trinitatis mysterio theologorum doctrinam circumscribere; ac dilucidis eam verbis ita explicare, ut a quolibet facile comprehendenderetur. Pridie quam id faceret, secundum amnem solus deambulavit vesperi, ut secum rationem iniret, qua feliciter id præstaret quod volvbat animo. Ibi puerulum nactus est, e flumine aquam cochleari sumentem, et in fossulam quam fecerat projicientem. Ab eo dum subridens quæsivisset ecquid facere proponeret, ac postquam didicit eum aminem totum velle fossulæ angustiis comprehendere, id fieri non posse subdidisset ; increpitus doctusque multo minus id posse præstari quod crastina luce agere intenderet : in magnum illico stuporem cogi se sensit, ac seipsum acriter castigans, et nimiæ damnavs arrogantiæ, in multas fluxit lacrymas. Ergo, die subsecuto, cum suggestum tanquam ad populum (qui frequentissimus erat) verba facturus ascendisset, tantum haec affatus : *Sufficiat vobis vidisse Alanum*, e medio circumfusæ admirantisque multitudinis sese proripuit, et magnis itineribus Cistercium contulit. Illic inter conversos (ut nominant) cum recipi flagitasset, pascendarum ipsi cura commissa est ovium, » etc.

Hanc eamdem historiam (sed simplici omnino stylo descriptam) penes me habeo in proœmio cu-

A iusdam *Commentarii in librum Parabolarum Alani* a centum et quinquaginta annis, scilicet 1501 (sine nomine auctoris) Lugduni typis editi.

Refert et eam Chrysostomus Henriquez, in *Menologio*, ad 30 Januarii, ubi dicti *Commentarii* auctorem nominat, Matthiam Bonhomium ; unde tamen nomen hoc hauserit, non exprimit.

Sed et Trithemium, Antonium du Verdier, et plures alios tam anticos quam recentiores hanc legisse satis colligitur ex testimoniosis illorum quæ supra produximus.

Denique, Alanum suisse Cisterci pastorem ovium, et alia servilia conversorum opera ibidem exercuisse, convincunt antiqua ejusdem epitaphia quæ infra referimus

§ III.

Qualiter M. Alanus, cum diu ignotus inter Circumstances conversos degisset, tandem cognitus fuerit.

De hoc ita Buzelinus : « Eo cum aliquandiu munere (pascendarum ovium) incognitus, patienter ac submisso functus fuisse, Alanus, sitne postmodum Romani usque curandorum equorum gratia, Cisterciensem antistitem comitatus, dum illuc pontifex maximus præsules omnes evocavit ad comprimentam hæreticorum arrogantiam et cum occulta sectariorum fallaciis et vaniloquentia catholicorum doctorum ora cerneret, ægreque admodum id ferret, obtenta prius venia, ita disputando ex iis hæreticis unum constrinxerit, ut is palam exclamaret, aut diabolum aut Alanum secum verbis contendere, nolim asserere : id saltem in confessio est, ipsum Cisterci deinde in cognitionem abbati et monachis venisse, ac reliquum postea tempus vel scriptio librorum, vel pietati diligenter impendisse ; mortuum insigni decoratum fuisse tumulo et memoria. » Hæc ille. Verum multo distinctius et sine ulla dubitatione hæc omnia assertive describit antiquus noster commentator, aliique jam citati plures. Quorum verba quia quoad substantiam historiæ, eadem sunt cum iis que Buzelinus (licet dubitando) recenset, supervacaneum fore judicavi hic repetere. Curiosus lector Chrysostomum Henriquez consulere poterit, cuius *Menologium* in celebrioribus bibliothecis satit frequens est.

Quando autem celebratum fuerit hoc concinum Romæ, in quo Alanus hæreticos convicerit et quisnam horum coryphæus, de quo in historia fit mentio, a nemine vidi declaratum nisi ab Henriquez, loco citato, qui asserit disputationem hanc contigisse Romæ in Lateranensi generali concilio XII, sub Innocentio III, anno 1215 celebrato ; hæreticum vero ibidem convictum ut confusum fuisse discipulum Almarici, qui Almaricus erat patria Carnotensis et Parisiensis theologus, Alano (dum eam universitatem regeret) satis familiaris, qui in hæresim prolapsus, varios errores disseminavisti, quos ipse Henriquez etiam recenset. Sed unde haec

omnia desumpserit, nec ipse exponit, nec ego alii rem Universalem, fuisse natione Germanum. Hinc cubi reperi.

§ IV.

Alanus Romæ, et postmodum etiam Cisterciæ a suis cognitus, ut deinceps se gesserit.

Buzelinus tametsi dubitet de modo quo scribitur Alanus in cognitionem devenisse, affirmat tamen (ut jam vidimus) id in confessio esse, illum, ex quo in cognitionem devenit reliquum postea tempus vel scriptio librorum, vel pietati diligenter impendisse, et mortuum insigni decoratum fuisse tumulo, et memoria.

Addit sœpe citatus commentator antiquus (adeoque et Matthias Bonhöme, apud Henriquez) illum tantæ fuisse humilitatis, ut nunquam voluerit ullam admittere dignitatem, ulro etiam sibi oblatam, sed in humili conversorum statu usque ad obitum perseverasse. attamen jussu summi pontificis ab abbate Cisterci duos illi fuisse assignatos clericos in eadem abbatia, qui libros omnes scriberent, quos ipse dictaret. Confirmant hæc etiam Barnabas de Montalbo, tomo I *Chronic. Cisterciensium*, et Henriquez loco citato, alii que plures.

Imo, in ipso Cistercio (prout plurium fide dignissimorum assertione accepi) tam firma et constans de præmissis omnibus traditio servatur, ut quique ibidem religione et doctrina clarissimi, absurdissimum reputarent quidpiam horum in dubium revocare. Nec etiam facile quempiam reprias qui eadem unquam absolute negaverit, aut contraria scripserit, præter unicum Thomam Demsterum Scotum, qui in *Historia sua ecclesiastica gentis Scotorum*, anno 1627 Bononiæ impressa, (errore nimium crasso aut etiam affectato) luce quodammodo meridiana cæxutiens, contra fidem et clara testimonia omnium auctorum qui de Alanu hactenus scripserunt, et aliorum fere ipsuumerabilium qui sepulcrum ejus visitarunt, et adhuc indies visitant, scribere præsumpsit Alanum Magnum de Insulis, Doctorem Universalem, natione fuisse Scotum, et monasticem professum in monasterio Scotorum, divo Jacobo sacro, extra muros Herbipolis, ibique diem obilssse anno 1300 et sepultum sub hoc epitaphio :

Scotia me genuit, Germania condit Alanum.

Quæ omnia ex solo Trithemio sufficienter refutari possent, qui post resignationem abbatiae Spanheimensis, annis pluribus ipsi abbatiae S. Jacobi juxta Herbipolim abbas præfuit, scripsitque exactum ejusdem abbatiae *Chronicon*, anno 1605 Moguntiæ impressum, typis Joannis Albini, in quo, nonnisi unicum agnoscit Alanum, istius cænobii monachum et postea XXIV abbatem, qui obiit centum et 61 annis post Alanum nostrum de Insulis, nimirum 1455. Imo libro *De scriptoribus* (ut supra vidiimus) expresse testatur Alanum de Insulis, Doc-

A rem Universalem, fuisse natione Germanum. Hinc epitaphium a Demstro productum, si quod ibidem tale exstet abbatem jam dictum concernit, aut aliquem privatum sive monachum, sive sæcularem, non autem Alanum nostrum, quem fuisse conversum Cisterciensem, ibique sepultum (omissis aliis omnibus auctoribus) clare convincunt epitaphia, § sequenti recensita, et epistola per illustris et reverendissimi nostri generalis, abbatis Cisterci, immediate subjuncta.

§ V.

De morte et sepultura M. Alan.

Chrysostomus Henriquez, loco citato, scribit illum supervixisse septuaginta novem annis post concilium Lateranense memoratum; attigisse autem annum ætatis 116, ac tandem obiisse cum magna opinione sanctitatis (9). Cujus etiam intuitu eundem *Menologio suo Cisterciensi* ascripsit, 30 Januarii. Quem etiam inter beatos ordinis nostri recenset Joannes abbas Cisterciensis, in catalogo sanctorum ac beatorum ordinis Cisterciensis, sub juncto veteribus Missalibus ordinis ejusdem. Sed et beatum vocant, doctissimus Leo Allatius, libro *De apibus urbanis*, reverendissimus generalis noster modernus, in epistola jam citata, et alii passim.

Quoad annum obitus veritatem nobis astruit antiquum epitaphium lapidi sepulcrali incisum, quod etiamnum perfecte legitur, hoc tenore :

*Alanum brevis hora brevi tumulo sepelivit.
Qui duo, qui septem, qui totum scibile sciuit.
Labantis sæculi contemptis rebus egens fit,
Intus conversus, gregibus commissus alendis,
Mille ducenteno, nonageno quoque quarto,
Christo devotus mortales exuit artus.*

Obit itaque Alanus, anno Domini 1294.

Hinc corrigere auctores omnes, qui scribunt illum floruisse anno 1300. Tumulus ejus marmoreus conspicitur Cisterci in claustræ parte lœva templum ingredientibus; juxta quem in pariete duo alia appendent epitaphia, quæ nobis exhibet Gaspar Jongelinus, in *Purpura sancti Bernardi*, supra, prout ex originalibus tabellis ipsem descripsit anno 1624, dum Cisterci esset, et beati viri sepulcrum visitaret.

EPITAPHIUM.

I.

*Ce grand docte Alanus, qui fust tant admirable
Rend ce lieu de Cisteaux par tout plus memorable :
Car il y fust conuers, berger et seruiteur,
Encoir y sert d'exemple de vertus et d'honneur.
Donc vous religieux, convers et tous passants,
Imitez ce docteur, qui ci-bas est gisant.*


II.

*Subjacet huic lapidi, toli venerabilis orbi
Alanus doctor, quem decet almus honor.
Theiologis ac philosophis merito sociandus,
Vatibus antiquis nec minor ipse fuit.
Egregie scribens, planxit, docuit, reseravit,
Naturam, mores, mystica verba Dei.
Inclita gesta Jesu cecinit, clarosque triumphos,
Artes depingens militiamque poli.*

(9) His omnibus consonat Ludovicus Jacob a S. Carolo, lib. iii *De scriptoribus* Cabilon. fol. 145. Digitized by Google

*Eloqui pictor, morum censor, citharista
Pieridum, fides belligator erat.*

*A Hic mundum fugiens, sub religiosis amictu
Vixit, adhuc manet hic; en tumulatus adest.*



ALANI MAGNI TUMULUS.

(Ex actis Academice Inscript., tom. IX, Parisiis, 1736, p. 229.)

Alani magni tumulus conspiciebatur Cirterci in claustro, juxta templi ingressum. Hunc extruxerat, anno 1482, D. Joannes de Cirey, Cirterciensis abbas.

Vetus Alanus Epitaphium, litteris gothicis incisum in lapide quadrato, bipedali, in anteriori parte tumuli pavimento claustrorum inclusio, sic legebatur :

*Alanum brevis hora, brevi tumulo sepelivit:
Qui duo, qui septem, qui totum scibile scivit.*

De Doctrina, et scriptis Doctoris Alani, amplio. A tiorem , adjunctis brevioribus opusculis diversorum veterum Patrum Ordinis Cisterciensis, tam vitæ sanctæ monia, quam eruditione illustrium (1).
desiderans Notitiam , consulat Bibliothecam Scriptorum Ordinis Cisterciensis, quam anno Domini 1619 vulgavimus, cuius nunc adornamus editionem II priore longe correctiorem, et locuple-

F. C. D. V. P. D.

(9*) Vide supra Dissertationem Oudini, qui quid-
quid Vischius de vita et Scriptis Alani in Bibliothe-

Cisterc. de novo exaravit, in usum suum convertit.
Edit.

EPISTOLA PERILLUSTRIS, REVERENDISSIMI ET EXIMII DOMINI D. CLAUDII VAUSSIN

S. theologiæ doctoris, abbatis Cisterciæ et universi ordinis Cisterciensis generalis
upremi.

Qua post approbationem Bibliotheca Scriptorum sacri Cisterciensis ordinis, anno 1649 publicatae, ejusdem auctorem hortatur ad aliorum operum suorum editionem, specialiter autem ad recognitionem Operum B. Alani, Cisterciensis conversi.

Rercrendo, et nobis in Christo confratri charissimo, Domino CAROLO SEVISCH, aevori monasterii nostri Dunensis priori.

Reverende in Christo Pater,

Quod sacri Cisterciensis ordinis scriptores jamdudum in tenebris delitescentes nunc a latebris ad lucem, et quasi a tumulo ad vitam redivivi redeant, tuis laboribus et lucubrationibus acceptum referimus; eoque gratiorem habemus voluminis tui editionem, quo majori prædicti nostri ordinis ornamento et splendori cessuram esse confidimus; tibi propterea nostro nostrique ordinis nomine gratulamur, et dignas rependimus grates; teque hortamur, quanto possumus affectu paterno, ut incepta quæ restant tibi opera perficere satagas ad majorem Dei gloriam, quem apprecciamur ut labores tuos benedictionibus suis cumulare dignetur; si quæ autem opera B. Alani nostri, Cisterciensis conversi, præter ea quæ pœ manibus habes, in nostra Cisterciensi bibliotheca inveniri poterunt manuscripta, ad te curabimus transmitti, ut prelo mandentur. Cæterum, macte animo, reverende Pater, et quo cœpisti zelo perge allaborare ordini nostro, quem æternum devinctum habebis; nos vero tibi inserviendi occasionem præstolati Deum præpotentem exoramus, ut tibi gratiarum suarum cumulum æternum pro mercede et laborum tuorum congruo præmio conferat, nosque tuis devotis precibus toto animi affectu commendamus.

Cisterci die xii mensis Martii 1650.

Reverendæ paternitatis vestræ

*In Christo charissimus et addicissimus confrater
CLAUDIUS abbas Cisterciensis generalis.*

CENSURA.

Legi accurate et cum magno animi mei sensu opera hæc moralia, parænetica et polemica Alani Magni de Insulis vulgo nuncupati, et quia plena sunt Catholicæ et erudita pietate, utiliter imprimi poterunt. Ita censeo. Datum Brugis die xii Aprilis, anuo Domini xvi, quinquagesima secundo.

Joannes Baptista Vanden Zype,
Canonicus Eccl. Cathedr. S. Donat, Brug. L. C.

FACULTAS ORDINIS.

Nos Fr. Bernardus Bottyn, monasterii Beatae Mariæ de Dunis Ordinis Cisterciensis in Diœcesi et Urbe Brugensi abbas, ejusdem Ordinis per Belgium Vicarius et Visitator generalis, tenore præsentium facultatem damus ut opera parænetica, polemica et moralia Alani Magni de Insulis, indefesso studio et labore